

Nermina Zaimović-Uzunović

Inicijativa upućena Agenciji za državnu službu BiH – „Ja imam poslaničku inicijativu koja se odnosi na poništenje oglasa koji je objavila Agencija za državnu službu 10. augusta 2011. godine i koji je zavrijedio i medijsku pažnju zbog velike nekorektnosti koje su unutra navedene.

Naime, Agencija za državnu službu objavila je sramotni oglas 10. augusta 2011. i u oglasu stoji da kandidat treba, osim općih uslova, ispunjavati da je prema njemu prestala pravna posljedica presude za krivično djelo nasilja u porodici. Ovakav oglas može se samo razumjeti na jedan način. U Agenciji, odnosno za poslove za koje Agencija raspisuje konkurs mogu da se zaposle samo muškarci jer se cijeli oglas obraća isključivo muškim kandidatima i da je po mogućnosti nasljednik u porodici.

Poznato je da je Bosna i Hercegovina potpisala cijeli niz međunarodnih pravnih akata kojima se odlučno opredjeljuje za borbu protiv svih oblika nasilja nad ženama. U zemlji u kojoj postoji i u kojoj je evidentno nasilje u porodici, ovakav oglas predstavlja sramotu za državnu službu.

Zbog toga tražim od Agencije da se ovaj sramni oglas poništi jer je diskriminatorski i da se raspiše ponovni koji će biti u skladu s normama koje je prihvatila Bosna i Hercegovina i ugradila u svoje zakonodavstvo.

Moram napomenuti da je ovo ne samo moja inicijativa nego su me potaknule i neke nevladine organizacije koje su mi skrenule pažnju i tražile od mene da se danas o ovom oglasim.“